

21.12.2015.



Udruženje poslodavaca BPK Goražde je učestvovalo na sajmu privrede, poljoprivrede, zanatstva i roba široke potrošnje koji se održao u sarajevskoj Skenderiji od 17.12-20.12.2015.godine.

Riječ je o sajmu u okviru kojeg su mali proizvođači imali priliku predstaviti svoje proizvode i ostvariti poslovne kontakte, te na taj način direktno potaknuti razvoj domaće proizvodnje, tako da je u fokusu Sajma u kojem je učestvovalo oko 120 izlagača bila domaća proizvodnja.

U ime domaćina, riječi dobrodošlice poželio je direktor Centra Skenderija prof.dr. Hajriz Bećirović – "Ovaj sajam je prilika za sve, od pojedinaca do velikih preduzeća da ostvare kontakt, dogovore saradnju, što bi u konačnici trebalo doprinijeti razvoju domaće proizvodnje. Također, građani će imati priliku vidjeti, osjetiti, te na kraju i kupiti neke od artikala, te učestvovati u promociji domaće proizvodnje."



Obzirom da je Općina Goražde pokrovitelj štanda za poljoprivredne proizvođače i privredne subjekte sa prostora naše lokalne zajednice, ali i ostalih općina u sastavu BPK, svečanom otvaranju sajma prisustvovao je načelnik Općine dr.sci. Muhamed Ramović koji je prilikom izjave za medije istakao – "Na poziv predstavnika Centra Skenderija da uzmemo učešće na Sajmu, mi kao Općina smo prihvatili poziv jer smo željeli da podržimo naše poljoprivrednike, privrednike i sve one koji mogu i žele da se ovdje predstave.



Na našem štandu nismo se ograničili samo na udruženja iz naše lokalne zajednice, već smo se dali šansu i poljoprivrednicima iz općina Pale u FBiH i Foča u FBiH da se predstave zajedno u okviru našeg štanda kako bi u najboljem svjetlu predstavili naše područje i naš Kanton. Poznato je da je naša domaća hrana bez štetnih dodataka, a poznati smo posebno po voću: jabuci, orahu i drugom voću. Drago mi je da je štand ogroman i u njemu su se mogli svi izlagači sa našeg područja smjestiti i da je dobra posjeta našeg štanda. Sajam traje četiri dana i to je velika stvar za naše poljoprivredne proizvođače jer mnogi građani Sarajeva i BiH posjetit će ovaj Sajam i ovo je dobra šansa da predstavimo lokalnu zajednicu i Kanton, a i da se razmijene iskustva."



Sajmu je prisustvovao i ministar poljoprivrede, vodoprivrede i šumarstva FBiH Šemsudin Dedić koji je istakao da su ovakvi sajmovi od posebnog značaja za poljoprivredu, a pogotovo organsku proizvodnju. Prema njegovim riječima, ovaj oblik proizvodnje posjeduje veliki potencijal za zapošljavanje i ukupan razvoj BiH.



Udruženje poslodavaca je zajedno sa drugim privrednim asocijacijama i privrednim subjektima koji su uzeli učeće poput MPI MLIN d.d. i Agropodrinje z.z. na najbolji mogući način predstavilo privredni potencijal BPK Goražde, posebno sa Privrednim vodičem BPK Goražde za koji je vladalo veliko interesovanje, te pojedinačni katalozi, prospekti i proizvodi iz Firmi: "Bekto precisa", "Unis Ginex", "Pobjeda rudet", "Pobjeda Technology", "TAG" d.d., "Bijela voda", Fekry", "BP Šume", te informacije o općinama u sastavu BPK Goražde i povoljnostima investiranja u ove općine.

Za štand iz BPK Goražde je vladala velika zainteresovanost, te su između ostalog održani sastanci sa predstavnicima firme "Tržnice" Sarajevo, sa ciljem da se obezbjedi goraždanski kutak na sarajevskim tržnicama kako bi se mogli prodavati goraždanski domaći proizvodi, zatim sa ambasadorom Republike Kine, predstavnicom agencije iz Doboja koja zastupa interese Turske sa mogućnošću proširenjem poslovne saradnje sa Turskom.



Također, na sajmu poblize smo razgovarali sa Udruženjem poslodavaca Donji Vakuf, razmjenjivali iskustva u radu te o mogućnosti saradnje na sajmovima u Goraždu i Donjem Vakufu, odnosno obostrano besplatno ustupanje štandova na ova dva sajma.

Štand su posjetili također i direktorica Službe za zapošljavanje BPK Goražde Nafija Hodo, Ismet Omeragić iz Ministarstva za privredu BPK Goražde, predstavница Tvornice Alata Goražde te drugi mnogobrojni gosti i posjetioći.



Tehnička služba Udruženja poslodavaca BPK Goražde